

ذكريات

لسة شاي ف صوره ليكي
من شوية في الكتاب
لما كنتي جنب مني
كان في ايدي كتاب حساب
مريلة وعليها ورده
والضفيرة فوقها كاب
ضحكتك مش غايبه عني
وشنطة مربوطة بحزام
وجزمة سودة عليها توكة
وكوتشي لابسه كعبه داب
حوش وملعب فيه بنلعب
جنب منك نور واشرف

لمه جنب الواد ايهاب
صوت بينده علي الصحاب
صف واحد صورة حلوة
واحد واقفة في التراب
سن ضاحكة وسط فرحة
جنب طرحه م الحجاب
الكلام ممنوع نهائي
اللي يسمع اسمه يجي
ويّا كراس الحساب
قيام جلوس مين غياب
اكتب اول سطر
حاضر
حد قال ناسي الكتاب
يقعد جنب حد شاطر

لسه فاكر
كنا نقسم كل أكلة
واما كان الدرس متعه
عربي كان أو كان حساب
حلم كان ولا سراب
عدي عالكلام سنين
لسه فاكر طعم فرحة
صورة خايفة بتستخبي
جوه صفحات الكتاب